

K258.06

10

:67

周光培 整理、集注

中華民國史史料三編

第六十七冊

遼海出版社

中華民國郵務局掛號認爲新聞紙類

中華民國十七年一月

第壹期

國民革命軍總司令部

張人傑題

編輯大意

一 本公報編輯旨趣爲揭載本部工作狀況演述軍事進展企圖完成國民革命使命

二 本公報內容分左列七種

圖畫 凡關於會場及戰地之圖說攝影屬之

特載 凡關於總司令通電訓詞等屬之

軍報 凡關於各方面軍報不屬於機密性質者及已逾機密時期者屬之

規程 凡關於本部之組織及各廳部處規例屬之

命令 凡關於本部之委任令訓令指令等屬之

文電 凡關於本部之呈咨函電批布告等屬之

統計 凡關於軍事各種之統計表及各廳部處收支狀況屬之

附錄 凡本部各種會議錄及不附於上列各類者屬之

三 本公報月出一冊每月十日出生遇必要時加出特號

四 本公報應登各件由各廳部處隨時供給

五 本公報自本年一月份重新編印

總理遺囑

余致力國民革命凡四十年其目的在求中國之自由平等積四十年之經驗深知欲達到此目的必須喚起民眾及聯合世界上以平等待我之民族共同奮鬥現在革命尚未成功凡我同志務須依照余所著建國方略建國大綱三民主義及第一次全國代表大會宣言繼續努力以求貫徹最近主張開國民會議及廢除不平等條約尤須於最短期間促其實現是所至囑



總理遺像

蔣總司令近影



發刊緣起

我總部之在粵也秘書處嘗有公報之輯月出一期計自十五年八月爲始迄於十六年二月而止凡出七期會江南底定總部奉命遷寧公報因之中輟自是以至七月始行續編甫經脫稿又值

總座去職卒未出版今

總座再起諭令文書科繼續辦理公報如昔在粵之日因重行釐訂條例類分目次如後第一期刊竟爰書其崖略如此

編者識



國民革命軍總司令部公報第一期目錄

總理遺像及遺囑

蔣總司令近影

發刊緣起

特載

總司令復職通電

附各方賀電

總司令致中央全體委員會書

總司令論對俄絕交

總司令在國民政府第十三次紀念週之重要表示

總司令在中央黨校紀念週之訓詞

總司令對黨務黃埔兩校學生之訓詞

總司令對軍委會人員訓話

總司令在憲兵團訓話

規程

目

次

一

總司令部組織大綱

命令

委任令三十八件

指令一件

文電

函

國民革命軍總司令部致

浙江

省政府函

國民革命軍總司令部辦公廳致王勳匪指揮官文翰函

國民革命軍總司令部致國民政府交通部函

國民革命軍總司令部辦公廳致本部兵站總監部函

國民革命軍總司令部辦公廳致軍事委員會主席團辦公廳函

國民革命軍總司令部辦公廳致國民革命軍第一路總指揮部函

電

來電

國民政府復電

馮總司令玉祥來電

去電

總司令致河南省政府電

總司令致海外各地黨部同志電

批十件

目

錄



特 載

●總司令復職通電

致國民政府代電

國民政府譚主席暨諸委員鈞鑒中正疊受各級黨部及各軍將士之敦促政府與民衆之督責以北伐大業急待完成仍令出資艱鉅爰於支日馳抵首都繼續執行中央所賦予之國民革命軍總司令職權專司軍令藉利戎機蔣中正叩虞

致各軍全體武裝同志電

各省縣電報局探送國民革命軍各路總指揮各軍長各師團營連長轉全體官兵均鑒中正以中央委員及政府之督責各界民衆與我袍澤將士之敦促爰於本月支日蒞止首都繼續行使國民革命軍總司令職權回憶去年中途引退定計俄頃以中央任命之職責不及待中央核准而遽去固所疚心以相從有年之袍澤不能共艱難以終始尤滋愧戚所幸吾革命將士秉主義爲先驅雖在內外交困之中猶能殺敵致果屢著戰績每念勤勞輒用嘉慰若使黨政早息糾紛敢言此日必已掃滅殘餘軍閥消弭共黨禍亂今黨內團結漸見端倪中央會議舉行有日當此中樞大計逐漸底定不啻革命前途重現生機中正委身黨國責無旁貸誓當率勵將士服從黨之指揮尊重黨之威信秉承中央齊一軍令集中力量

努力前驅務於最短期內會合豫晉各軍殲除奉魯軍閥實現總理之遺教早出斯民於水火各軍將士當知革命成敗關係國族存亡軍需給養罔非人民膏血北伐經年民生日困共逆乘機更相殘賊倒懸待解何可久稽所宜親愛精誠以堅團結加緊奮鬪以完全功尤須知革命軍隊不能須臾離黨深淵薄冰宜知戒懼自今以往務各恪遵本黨之主義整飭軍紀擁護中央勿口誦而心違毋棄黨而携貳則精神統一十以當千革命成功可期指顧中正與吾全軍將士分則袍澤誼同死生愛護固勿敢懈督率更不容道諸將士同爲主義之干城共負革命之天職總理遺訓昭若日星先烈英靈式憑左右宜如何蹈厲奮發期無背於北伐出師時之素願以全吾革命軍人之令譽率陳崖畧以告全軍革命未成望共努力中華民國十七年二月九日國民革命軍總司令蔣中正叩

致全黨同志全國同胞電

南京上海漢口廣州及各省各報館轉中國國民黨全體同志全國同胞公鑒中正疊受各級黨部及各軍將士之敦促政府與民衆之督責咸以北伐大業急待完成認中正職責未完仍令出負艱鉅聞命悚惶罔知所措溯自去年八月因黨內分裂決然引退原冀促成全體同志之團結以謀本黨精神之統一乃數月以來本黨同志雖奮鬥有加而黨基動搖糾紛益甚各軍將士之犧牲甚大而北伐進展反致稽延追維過去良用疚心此皆中正曠廢職責所不能辭其咎也目前特委會已宣告收束中央全體會議猶在籌備各種機關儼同無形停頓黨統中斷政局不安人心惶惑軍情緊迫險象至此實不容計較私人得失曠棄革命天職爰於支日馳抵首都遵從中央與政府之意志繼續執行中央所賦予之國民革

命軍總司令職權誓竭全力策勵軍心會師前陣慘力北伐擁護中央以固根本鎮攝共亂以安民生至於黨務政治應由中央機關主持中正當以一分子之責任追隨中央諸委員共同負責同時秉承中央指導專司軍令藉利戎機而策進展一面負責籌備第四次中央全體會議務使早日開會確立黨基但得中央恢復全黨一心頑敵剷除可期且夕一俟北伐完成即當向中央正式辭職以謝去年棄職引退之罪中正此次再出維繫絕續之交效命艱危之際痛黨國之分崩念民生之彫敝功罪利鈍未敢逆睹耿耿此心惟知北伐不能再延革命不能停頓急起直追端資羣力所望全黨同志團結一致全國同胞共同奮鬥鑒其愚直賜以南針黨國前途實深利賴略貢惻隱不盡欲言國民革命軍總司令蔣中正叩
一月九日

致馮閻楊三總司令電

鄭州馮總司令太原閻總司令南京楊總司令均鑒中正已於支日馳抵首都隨同中央委員協奠黨國根本並已續行職權完以北伐已有通電申述旨趣更掬微忱爲左右陳之本黨革命首在實現主義解放民衆總理遺教造端宏遠但初步工作厥爲軍事建設萬端首除障礙故完成北伐實爲目前最要之圖回溯數月以來頑敵圖逞共逆竊發影響軍事幾搖根本幸賴海陸將士奮勇轉戰同志諸公協力進取卒令北伐形勢日有進展中正退處山野未効馳驅革命天職撫衷增愧今前敵軍事益見擴張民衆呼號更形迫切況當敵人內鬩之時應有二鼓盪平之計是用黽勉再出勿計功罪誓當以主義灌漑軍心以全力完成北伐肅清共逆以安後方鞏固中央以維根本總期掃除殘敵實行主義恪遵總理

遣教召集國民會議早定國是以蘇氏困此中正與公等及全部武裝同志共有之職責亦四萬萬民衆一致之祈求翹望旌麾再布閣意併候明教無任神馳蔣中正叩佳

●各方賀電

馮總司令玉祥賀電一

南京蔣總司令介石仁兄同志勛鑒奉讀世電敬悉我兄允於日內復職歡慶無量自我兄潔身遠引舉國失望糾紛滋多醜虜頑肆黨國瀕危時切隱憂茲幸東山再起毅然以完成北伐爲已任先聲所播足使胡兒落膽祥雖不敏願從我兄之後掃穴犁庭共竟革命全功也臨電神馳無任翹切弟馮玉祥冬印

馮總司令玉祥賀電二

蔣總司令介石仁兄同志勛鑒頃奉微電欣悉吾兄徇民衆之請求同志之敦促返都回任主持大計從此邦基益臻鞏固軍事領導得人北伐成功翹足以待風聲悉聽忭舞莫名至中央全體會議經吾兄之積極籌備不日舉行黨國問題胥有歸宿前途瞻望慶幸良深謹致忭忱時盼賜教弟馮玉祥叩陽

馮總司令玉祥賀電三

國急南京蔣總司令介石同志勛鑒佳電敬悉同志蒞都回任一切軍政大計領導得人瞻望前途萬分慶忭軍閥不滅國難未已完成北伐始有建設可言明論至深敬佩玉祥不敏夙同此志業已督率師徒渡河北進誓殲奉魯殘賊以竟全功切盼竭力主持協同進展共完使命忭何如之覆布下忱不勝神往

馮玉祥叩寒印

閻總司令錫山賀電一

蔣總司令介石同志兄勛鑒頃誦歌電欣悉再起東山完成革命元戎復職薄海同歡頑敵負嵎待公掃蕩民衆屬望已久吾黨企盼尤殷此次全體委員蒞京必能與公一心一德共同努力晉以棉薄支撐北部乾坤旋轉佇盼旌麾鄙見但使北伐告厥成功則一切均富易爲也弟錫山敬西

閻總司令錫山賀電二

蔣總司令勛鑒佳電誦悉承示各節語重心長偉畧匡時欽遲曷極方今奉魯殘敵仍在負嵎共逆陰謀尙未盡戢我兄東山再起砥柱中流以主義灌漑軍心以全力完成北伐片言扼要萬衆傾心晉以蕞爾本無克敵之力曩者承兄電詢曾經舉以奉告嗣以敵方決定以奉魯全力大舉南下偷一方不支必且危及全局中央使者及豫中代表均極以此爲慮遂不自揣度勉効前驅茲值兄攬轡澄清完成大業弟雖不敏亦當督飭所部勉力支撐以從旌麾北指隨同克敵也特電奉復不盡瞻馳弟錫山蒸成

楊總司令樹莊賀電

南京蔣總司令勛鑒佳電敬悉我公關懷黨國續行職權尋繹尊旨炳若日星循誦再三莫名佩仰數月以來頑敵圖抗共逆思逞我陸海軍同志懷全功之未竟實暇逸之弗遑茲者北伐發展尤須進取中央會議亟待速開以及整理黨政灌輸主義我公出任艱鉅領導一切軍樞旣收統馭之功黨治益呈發揚之象樹莊謹當遵守先總理遺訓追隨驥末誓同努力俾定國是而副盛意敬布悃忱乞垂察鑒楊樹莊蒸叩

劉總指揮鎮華賀電

國急南京蔣總司令勛鑒頃得電訊敬悉我公復職尅日北征值貞元復始之辰觀天躍重光之泰葉公
免胄抒同袍望歲之恩謝傳出山慰薄海來蘇之望秉承有自歡忭莫名鎮華轉戰魯西連破頑敵嗣以
變更戰畧移師渡河迭克長垣濮陽等縣俘獲無算刻正向清豐南樂積極進展尙祈隨時領導一切聞
金錢而氣壯仰泰斗以心傾祇佈賀忱諸惟亮察第二集團軍第八方面軍總指揮劉鎮華叩魚

孫總指揮連仲賀電

軍急南京蔣總司令介石同志勛鑒頃轉讀寧電欣悉我公允於江日復總司令職重黨國之安危不計
自身之勞逸忠誠義勇袍澤同欽從茲革命軍事領導有人負嵎殘醜指日殲滅連仲忝在同舟尤深忭
舞距躍三百爲民衆賀爲私人屬特電達忱卽希垂教第二集團軍第二方面軍總指揮孫連仲叩虞印

白總指揮崇禧胡軍長宗鐸夏軍長威陶軍長鈞等賀電

國南京蔣總司令鈞鑒奉誦支電敬悉我公惠然蒞寧主持黨國大計無任欣忭值此共賊潛伏乘機思
逞殘餘軍閥盤踞幽燕渴望我公本總理之遺意團結忠實同志內固黨基外攘強敵繼續北伐完成
革命不獨本黨之幸抑亦我民族之福臨電神馳不勝翹企白崇禧胡宗鐸夏威陶鈞叩虞印

孫總指揮良誠賀電

急南京蔣總司令勛鑒頃奉敵總司令馮來電欣稔我公已於江日抵寧復職吉語傳來歡忭曷勝我公
革命導師萬流景仰東山再起望慰蒼生從茲日月重光同歌卿雲復旦山河生色咸慶大地皆春南北